

EPISTOLA
Ioannis Sturmij de Re-
FVTATIONE TRIDEN-
tini Concilij & dissidijs
Religionis.

AD

ILLVSTRISSIMVM PRINCI-
pem & Dominum, Dominum Nicolaum Rade-
ziuulium, Ducem Olice & Niesuuijs, Palatinum Vlnensem,
Magni ducatus Lituaniæ Archimarschalcum
& Cancellarium.
&c.



IS HISCE PROXIMIS MENSIBVS
dolorem magnum accepimus, et
vix consolabilem: ex ijs quæ de
dissidio religionis & de Mosco-
uitico periculo audiuius: quos-
rum vtrumq; Poloniam, Litua-
niam, Liuoniam, vicinosq; po-
pulos necesse est acerbè percellere: cum nos etiam
qui remoti à vobis sumus, illius doloris molestiam
& cruciatum sentiamus. Est tamen consolabilis:
propter virtutem & fortitudinem populorū: pro-
pter

EPISTOLA

pter Reges & Principes viros, quos hæc cura proximè attingit in quorum consilijs & sapientia est et animorum cōstantia: ex quibus duabus virtutibus præclara solent existere remedia: non solum ad dolorem mali leniendum, sed etiam ad depellendum malum: quod accidere posse uidetur religioni & salutis maximorum populorum.

In componendis religionis dissidijs properandū quidem est, ut è vestigio animorum flammæ restinguatur: sed in causa cognoscenda, si dubia sit, ^{ἐπεὶ} placet magis, quàm temerè ad condemnationē decurrere: quam animi moderationem in literis illustrissimæ Celsitudinis vestræ animaduertimus.

Trinitatis veritatem Deus Patribus indicauit: Christus suis discipulis comprobauit: D. Ioannes Euangelista & Apostoli explicauerunt: patres defenderunt, imprimis Græci, apud quos amabilis breuitas est & perspicua propugnatio. Siego rectè quod agitur intelligo, & si collegæ mei verè iudicāt, componi poterit negotium: modo vtracq; pars moneri se atq; doceri patiatur. Patres ita trinitatis controuersiam explicarunt, ut de illorum veritate non sit dubitandum. Non enim quia cæremonijs nimis indulserunt, et multa in Pontificibus Romanis dissimularunt, et monachatus et cœlibatus nimium tribuerunt, idcirco in hac etiam quæstione illos errare

rare potuisse statuendum est. nam video hac cogitatione multos ad audaciam excitari. Sed quia in ceteris fuerint indulgentiores, in hac disputatione grauitatem & constantiam retinuerunt, eò causa hæc illorū verior haberi debet, quò maior apparet consensio atq; constantia: & cæterorum hominum crudelia consilia, & exitus vitę, et diuinę mulctę ostendunt, quam illi causam susceperint, & quomodo defenderint. Sed de hac controuersia nostri respondunt: hæc præmittere uisum est: & ostendere Celsitudini vestrę nostris hanc causam curę esse, & laudare vestrę Celsitudinis diligentiam, curam, sollicitudinem, æquitatem, prudentiam.

Ac sanè est necessarium in hoc communi periculo dissidiorum, officium facere magni & præclari Principis: quorum alterum æquitatem requirit, religionis dissidium: alterum fortitudinem, uis inimicorum: Vtrumq; sapientiam atq; constantiam flagitat.

Ac de religione satis multà cognouimus: de Mosco autē pauca sunt allata ad nos, sed plena periculis. Nam tametsi gratum & iucundum nobis est, audire Furstenbergium, Teutonicę familię magistrum, adhuc viuere, & crudele illud effugisse supplicium: tamen quid nos iuuat, illum cum exercitu MVSCOVICO reduci: aut quid ille præ-

EPISTOLA

ter vitæ usuram lucri habet: & quò blandior nunc hostis est, eò plus est metuendus & magis nocere potest. Nos qui longinqua à vobis regione uiuimus, multa in fortuna Celsitudinis vestræ uideamus, quæ nos maximoperè recreant, & spem dant bonæ conuersionis contra hos humani generis & uestrorum populorum aduersos & horribiles casus: quorum vnum est, decus & antiquitas familiæ Radziuuilanæ, cuius maiores sæpè fortiter & laudabiliter aduersus Turcarum, & Tartarorum, & Rhutenorum vim militarunt & secunda fecerunt prælia: Alterum fortunata ista uirtus vestræ Celsitudinis, ornata Regis SIGISMVNDI amicitia & necessitudine, amplificata ab Imperij Cæsaribus, et Ducis appellatione atq; dignitate honorata: quem ego amplissimum gradum gloriæ esse statuo. Magnum in C. Iulio fuit Cæsarum familia & antiquitas, magnum in Octauio Augusto Octauiorum vetustum cognomentum, sed illa communis totius gentis Cæsarum atq; Octauiorum fuit laus atq; dignitas: quòd verò uterq; Imperij maiestatem & summam potentiam adeptus est, & alter nostris Imperatoribus Cæsarum, alter Augustorum cognomentum hæreditarium tradidit, hoc proprium horum duorum est, & utriq; suis antepoenendi sunt maioribus. Veruntamen hi duo in summa dignitate filio

te filium, cui hanc hæreditatem relinquerent, non habuerunt: Vestræ verò Cellitudini Deus liberos dedit, qui acceptam à patre ducum dignitatem hæreditariam poterunt tradere nepotibus, & in his liberis Illustrissimæ spei est Nicolaus Christophorus Radziuuilus, vera paternarum virtutum imago, prudentiæ, gratiæ, diligentie, sobrietatis, liberalitatis & heroicæ cuiusdam magnificentiæ. cuius virtutes ita amamus in hac ætate, vt etiam reueremur: propter grauitatem in humanitate, et propter humanitatem in seueritate: propter magnos etiam progressus quos facit in hoc cursu suorum studiorum atq; exercitationum.

Atq; hæc filij virtus & liberorum fœlicitas, tertium erat quod consolatur nos hoc nostro uestroq; necessario tempore. Accedit ad ista tria patruelis optimus Trocensis Palatinus, et illius militaris uirtus & belli fortuna, & prælia secunda cum Moscis facta: non enim dubium est, quin ex ea gente atq; familia, magna sint atq; salutaria expectanda auxilia: in qua auita nobilitas, pater virtute maximus, patruelis virtute fortissimus, filius is quo pater meliorem optare non possit. In historijs uidere est eos Imperatores magnum nomen in re militari & gloriam consecutos esse, qui ad vsum militare doctrinam adiecerunt literarum, ut C. Cæsarem, ut Octa-

EPISTOLA

uium Augustum, vt Carolum Magnum: Et prudentiæ documentum est, Celsitudinem vestram filium velle bonis disciplinis atque artibus erudiri. Ab his enim instructus & armistueri patriam poterit: & domi religionem contra hæreticos defendere: & pacis militiæq; temporibus cum summa auctoritate versari in Regum consilijs, quæ facultas in eo sese iam ostentat, & iam multorum in se doctorum hominum aures oculosq; & animos conuertit.

Doctor noster Laurentius Tuppianus latinam fecit refutationem Concilij Tridentini, qua sese Evangelici principes aduersus inimicorum potentiam defendunt: in hac appellat Principem filium Celsitudinis uestræ: Valdè laudo & laborem Doctoris Tuppiani & factum, quod ipse suo testimonio & hac appellatione & quasi dedicatione nostram de Principe spem atq; expectationem confirmat, & quod librum pro vestitu Germanico toga Romana induerit, & togatum ad exteras gentes atq; nationes mittat: & ad eas terrarum oras mittat Principis filij vestri nomen, ad quas aliquando illius arma & lacerti militares, virtusq; & victoria, & belliglosia perueniet. Et credo apud externos plus poterit huius voluminis auctoritas, quàm apud illos, quos in viam reuocare conatur. Occalluerunt enim Romani

mani ad has argumentationes, aut non legūt neq̃
audiunt, aut irascuntur & exacerbantur magis. Le-
ti sunt quòd huius Concilij congestione defuncti
sunt: nihil causæ est quamobrem aliud ab illis expe-
ctemus. De Episcopis nostris mirandum est, cū
inter ipsos sint Principum filij & cognati, cū eru-
diti, cū prudentes, tum etiam boni, quos noui: cū
videant Romanos nolle, neq̃ posse componi con-
cordiam nisi vel legitimo Concilio œcumenico, uel
gentis nostræ & nationis deliberatione: non Cæsars
ri authores esse, & Cæsarem iuuare, vt tandem de
Religione iusta ratio ineatur: & quam vniuersus
orbis deberet Religionem recipere, eam in Germania
constituere: cum nulla alia quàm hac ratione
queant facultates suas retinere, dignitatem confir-
mare, authoritatem stabilire, conscientia suæ con-
sulere, & grati atq̃ accepti esse omnibus omnium
Ordinum in Imperio hominibus. Istud assequen-
tur, si, quod Romæ obtinere à Pontifice non possu-
mus, id Augustæ & in Comitiorum aliqua vrbe à
Cæsare postuletur.

Ac quod Imperio nostro necessarium est, illud
certè etiam Poloniae regno magno, et magnæ Litu-
aniae erit gloriosum, huiusmodi fieri Concilium,
quale hic liber postulat: cuius iam patrociniū Rad-
ziuiuilana domus suscipit: pater, filius, frater patru-

EPIST. IOAN. STVR MIL

lis : & ad veteres laudes hanc nouam adiicit, vt ho-
spitium & portus esse religionis atq; virtutis vide-
atur. & literati homines in vna familia tres patro-
nos inuenerint, in quorum nomine, autoritate,
fide & beneuolentia queant acquie-
scere. Argentorati Idib
bus Mar-
tij.

BERN.

Bernhardus Botzhey-

MIVS IVRECONSULTVS

& Aduocatus Reipub. Argentoratensium

D. Laurentio Tuppio Iureconsulto, college &

compatri suo.

S. P.



AVDO TE MI DOMINE COMPATER, qui defensionem nostrarum partium, oppositā nuper Synodo Tridentinæ, latinam facis: & operam hanc tuam, studiumquē fidele quod in causam honestissimam collocasti, Principibus in

Repub. viris probatum iri non dubito. Nam & amplissimorum Ordinum dignitati, & grauitati causæ, quemadmodum oportebat, seruisti rectē, & innocentiam nostrarum, iuscūq; in hac causa nostrū exteris nationibus, quę Germanicē nesciunt, perspicuē patefacis: vt uelut in tabella intueri hic possint, qua de re multis iam annis variē certatum sit: contra quod hominum genus suscepta atq; instituta contentio: deniq; per quos stet, quo minus etiamnū de tam diuturnis dissidijs ratio certa iniri possit.

li v , Quo

EPISTOLA D. BERN.

Quo ego nomine scriptum illud quod interpretatus es, & ipsam interpretationem tuam de Ecclesia & Republica benè mereri affirmo libenter. Et si autem multis rationibus merito prædicanda sit fides hæc & constantia Illustriss. Principum et Imperij Ordinum, qui doctrinam, ut initio oblata et exposita fuit Cæsareæ Maiestati, constantissimè retinent atq; defendunt: tamen et hoc nomine ejdē laudem verā merentur, quòd exemplū hoc constantiæ atq; consensus etiam posteritati ad imitationem uirtutis profuturum uideatur: & testimonium perhibiturum, nos piè atq; religiosè sensisse, qualiscunq; tandem rerum secutura sit conuersio.

Placet igitur cum ob ipsum argumentum, te facere quod facis: tum quòd in hac translatione tua instituisti *πρὸς φιλίαν* ad optimum illustrissimumq; principem Nicolaum Christophorum Radziuuium, qui filioli mei Ioannis Christophori Botzhey mihi anno superiore tecum ad Baptismi sacrum fontem testis religiosus adfuit in Ecclesia nostra: In quo Principe heroicæ indolis vim admirabilem & omnium maximarū virtutum præclara argumenta summa cum voluptate sæpius cognouimus.

Ac mihi quidem ita uidere videor, singulari quodam fato Principem hunc iuuenem ad res in Republica maximas, ad amplificandam doctrinam veræ religionis

HARDI BOTZHEYM.

religionis salutemq; multorum populorum desti-
natum. Neq; dubito quin doctrinæ studijs confir-
matus, magnum amplissimæ familiæ Radziuili-
orum decus sit futurus: cuius laudibus vt impensè
faueam ac cupiam præter ceteras causas & hæc sub-
est æquissima ratio, quòd aui mei materni Georgij
Hosijs piæ memoriæ, qui Marchionib. Badensibus
à consilijs fuit, germanum fratrem Vdalricum Ho-
sium, in ditionem istius Principis olim commigra-
se, et Vilnæ hospitem hominem consedit, à matre
amantissima acceperim; multisq; ibi & magnis Re-
gum Poloniæ beneficijs ornatum, & ab illustrissi-
ma Radziuuliorum familia benignissimè defen-
sum atq; adiutum: plerosque etiam ex posteris eius
Regum & Principum virorum Consilijs atq; gu-
bernaculis adhibitos.

Hęc igitur familiæ illustrissimæ in meos pietas,
tum etiam charitas matris, facit ut mihi benefactū
esse putem, quidquid in auunculum meum magnū
eiusq; posteritatem prolixè et liberalissimè fuit colo-
latum. De Stanislao Cardinale delecto doleo,
non tantam inter nos de Religione consensionem
esse, quanta sanguinis inter nos coniunctio interce-
dit. Optarim autem mentem eius nobiscū coniun-
ctam esse vnanimi consensu eius doctrinæ, cuius in
hoc volumine explicata est ratio omnis, De quo ne
planè

EPISTOLA D. BERN.

planè desperem, multę sunt causę, ac præcipuè quòd
 icipiam nulli hominum constare posse mirabilia Dei
 iudicia, quibus nunc hos nunc illos ad agnitionē sui
 clementer perducit, atq; etiam ex hostib. suis sæpius
 salutaria organa & uasa misericordię libi deligit.

Accedit ad hæc omnia etiam recens beneficium,
 et quòd me propius attingit, Illustrissimī Principis
 Nicolai Christophori Radziuulij liberalitas &
 propensus fauor in Ioannem Vilhelmum & Ioan-
 nem Bernhardum filios meos, quibus difficili rerū
 statu et pestilentię metu quo exercebamur, clemen-
 ter in Tubingenſi Academia idem perfugium præ-
 buit, & multa benignissimè fecit. Gratissimum
 igitur mihi accidit & iucundissimum, quidquid ad
 Inclytę familię Radziuuliorum dignitatem & lau-
 dem à nostris suscipitur. Et quanquam virtus
 egregia per se luceat, nec magnoperè indigeat no-
 stris uel preconijis, uel uotis, uel congratulationib.
 aut etiam gaudijs, gratū tamen nobis accidit, si qui-
 bus fœlicitatem, decus et gloriam exoptamus, quos
 propter virtutem amamus, quibus ex animo volu-
 mus & cupimus, ijs vtrò quę optabamus, quęq;
 voluimus, ab intelligentibus deferantur. Quo no-
 mine in Schola et vrbe nostra imprimis beatum fu-
 isse & esse Principem hunc tute mihi testis potes es-
 se optimus.

Oro

HARDI BOTZHEYMIL

Oro autem Deum Opt. Max. et dominum nostrum Christum, vt studia actionesq; omnes huius præclaræ indolis & spei eximiæ Principis spiritu suo sancto clementer gubernet, peregrinationes studiorum, virtutis, & religionis causa susceptas, cum viro nobilitate generis & rerum prudentia præstanti Balthasaro à Leuualdt, amico nostro coniunctissimo, prosperas esse uelit, vt in patriam Musis committatibus reuersus magno patris Illustrissimi principis, patriæ & populorum gaudio excipiat:

Inq; patris crescat munera magna sui.

Benè vale. Argentorati die æquinoctij verni. Anno M. D. LXV.

ERRATA SIC COR- rigantur.

Fol. 6. uersu 5. pro M. D. LXXXIX. reponatur M. CCCC. LXXXIX.
Fol. 22 linea 20. pro legemus reponatur legimus. Fol. 29. lin. 19. Ratisbo-
nensibus. Fol. 42. lin. 2. pro circumsionem legatur circumcisionem. Fol. 44.
uersu 17 reponatur comma post uerbum populo. Ibidem uersu 18. temporali-
bus. Fol. 46. lin. 11. pro tam legatur iam. Fol. 47. uersu 1. legatur deci-
suiam. Fol. 50. lin. fin. lege: praesumpserunt. Fol. 51. uersu fin. legatur uia:
doctrina emineat ac defendatur constanter. Fol. 62. uersu 25. intemperie.
Fol. 80. linea 13. subducatur. Fol. 82. uersu 22. ubi ad tria millia. Episcopo-
rum numerantur. Fol. 85. uersu antepenult. rediguntur. Fol. 100. uersu 18.
DE STATVIS ET IMAGINIBVS. Fol. 131. uersu 17. imò te-
merarium uideri docent. Fol. 138. uersu 23. reponatur sic: propter nostra bona
opera esse factam. Fol. 149. uersu 14. consecrati. Fol. 153. lin. 16. psalmum.
Fol. 155. lin. penult. lege quadragena. septena & carena. Fol. 165. lin. 1. com-
paratas. Fol. 162. uersu 3. permittatur. Fol. 165. Stentorea. Fol. 170.
uersu 1. consultius fore & utilius. Fol. 180. lin. 23. exhibitam. Fol. 188. lin.
19. portentosos. Fol. 195. uersu 16. inferorum. Fol. 239. uersu 12. regni.
Fol. 261. linea 24. cognomen. Fol. 278. uersu 25. SYRACH. Fol. 279.
uersu 25. lege: Apocryphi sunt et authoritate carent in Ecclesia. De quibus &c.
Fol. 296. uersu 15. apostolicorum. Fol. 297. linea 7. conciliatorem. Fol. 308
linea 5. peculiariter. Fol. 323. uersu fin. ita reponatur: residentiam (cuius de-
creti ea sententia fuit, ut Episcopi praesentes essent semper. &c. Francisco rege
id approbante.) Folio 333. uersu 19 pro scribit reponatur conqueritur. Folio
334 uersu 17 lege sic: ridiculo uocabulo quasi dicas pauperum satutorum. Fo-
lio 341 uersu 8. lege subornatos. Folio 343 linea 7 interest: Ibidem linea 12
capitalis inimicus. Fol. 344 uersu 18. pro ordinem legatur angustum. Folio
357. uersu 3. consiliarium. Folio 366. δογματισμα. Folio 368 linea 17. de-
gant subditi. Folio 375. linea penult. petierint. Folio 381. uersu 21. uocari.
Ibidem linea 24. adferenda. Folio 384. linea penult. Quoties etiam.

Reliqua Lector æquus & intelligens festinationi benignè ignoscet, &
per se emendabit.

FINIS.

ARGENTORATI

Excudebat Samuel Emmel. Anno Domini

M▷ D▷ LXV▷